

Pressiteedüs, 28. mai 2018

## Uma Pido juubõlipido tuu laulukaarõ ala rekordhulga esinejit

**Võrokeelinõ laulu- ni rahvapido Uma Pido tuu puulpäävä, 2. juunil Kubija laulukaarõ ala 3800 lauljat. Seo om suurõjoonõlinõ aastapääväpido, minkägä tähistätäs nii kümnõaastagast Uma Pido traditsiooni ku ka Eesti vabariigi 100 aastaga juubõlit.**

Võro Kubija laululava pääl astus 2. juunil üles 3800 esinejät ni üttekokko oodõtas Kubija mände ala 10 000 inemist, kiä kõik tundva rõõmu Vana Võromaa vägevä kultuuriperändi ja *ummamuudu ilmakaemisõ* üle.

Uma Pido lavastas Helena Kesonen, kinkä sõnnol tulõ seokõrdnõ pido kirriv ni mitmõkihilinõ *nigu vanaimä egäpäävätse' rõiva* ja näütäs ni kultuuri nuuruslikku ku rahvaligumat näko. "Pidol näge kõkkõ seod, midä ütäl juubõlipidol või tulla - kõgõ parõmba laulu', põnnõva tandsu' ja lõpus üts ilmadu pikk pidolaud," ütles Kesonen.

"Uma Pido om jätkuvalt ummamuud seotõttu, et tegemist om kõgõ suurõmba võrokiilsitõ ja -miilsitõ inemiisi kokkosaamisega terven ilman. Ku üttekokko om võrokõisi 75 000, sis Umast Pidost saa esinejidõ, päältkaejidõ vai laadaliisi sian osa vähämbält egä säitsmes võrokõnõ," om Uma Pido kõrraldava Võro Seldsi VKKF juhatusõ liige Triinu Laan uhkõ.

Pido projektijuht Merike Tigas ütles mano, et nii nigu eelmitseligi aastil, tulõ võrokõisi pidolõ ka vällämaalt. „Nii, et või julgõhõ üteldä, et tegemist om võrokõisi üleilmsõ kokkotulõkiga,“ ütles tä.

Et tähistädä Uma Pido edimäst sünnipäävä kümme aastakka tagasi ni täämbäne pido om järjekõrran viies, otsustiva kõrraldaja' laskõ repertuaari valli kõigil suuvjidõl. Pido laulukava om kokko pantu hääletüsel selgünü rahva lemmikist, millõlõ kõrraldaja' panni umalt puult mano kats pido jaos spetsiaalsõlt tellitü vahtsõt laulu.

Lauljit saat Võro Muusigakooli orkestri ja ansambli Jaan Randvere juhtmisõl. Solistena astussõ üles Mari Kalkun, Vootele Ruusmaa, Tauri-Viljar Vahesaar, folklooripunt Ütsiotsõ jt. Üten tandsva' tandsurühmä kolmõst erineväst põlvkunnast.

Pidopääväl, ku koori Kubijal õdagusõs pääkontsõrdist proovi teevä, toimus Võro keskliina pargin kell 9-14 Uma Pido laat, kos kaubõldas kohaligu kraamiga, tüütarõ tutvustasõ Võro värki ni laadalava päält tulõ elläv muusiga.

2. juunil kell 11 nakkas Võro Rannatarõ mant ka Uma Pido kultuuriluulisõ matkasarja „Määne om seo maa? Kaemi' perrä!“ viimäne matk, miä kultõs Põlva ja Rõugõ kihlkunna piiri pääl. Eelmitsõ aastaga oktoobrin alanu pallodõ osavõtjidegä matkasari käve läbi kõik Vana Võromaa kihlkunna' ja Võro ja Seto piiriala ni oll' nii populaarnõ, et matkulõ tulti ka muijalt Eestist.

Peräst Kubija laululava pääl kell 18 nakkavat pääkontsõrti tulõ simman ansambliga Ummamuudu. Võrokeelist rahva- ja laulupito peetäs alatõn 2008. aastagast. Pido käü küläkõrda Vana Võromaa katõ suurõmba keskusõ Põlva ja Võro vaihõl.

Rohkõmb teedüst:

Merike Tigas

Uma Pido projektijuht  
Võro Selts VKKF  
tel 56 916280  
merike.tigas@wi.ee  
umapido.ee  
facebook.com/umapido5

Pressiga seotu küsimüse:

Sander Silm  
Uma Pido kommunikatsioonijuht  
Tel 56621285  
sander.silm@gmail.com